

खबरां

- प्रधानमंत्री नरेंद्र मोदी होर ओस्लो च त्रीये भारत-नार्डिक शिखर सम्मेलन च होए शामिल। एहदा मकसद टैकनालजी, परती-परतियै बरतोने आहली उर्जा, रक्षा ते बपार दे क्षेत्र च साथ-सहयोग गी मजबूत करना ऐ।
- प्रधानमंत्री नरेंद्र मोदी ते स्वीडन दे प्रधानमंत्री उल्फ क्रिस्टरसन होरें अखबार च लिखे दे इक्क सांझे लेख च कुल संसारी यक्को-तक्की दे समें च भ्याली पर जोर दित्ता ऐ।
- सुप्रीम कोर्ट नै सार्वजनिक थारें सवां पकड़े गेदे लावारिस कुततें गी टीकाकरण जां नसबंदी दे मगरा बापस नेई छोड़ने आहले अपने पैहले निर्देशें गी बापस लैने सवां इंकार करी दित्ता ऐ।
- भारती रेलवे नै 54 किलोमीटर लम्में किऊल झाझा त्री लाइन प्रोजेक्ट गी 962 करोड़ रपे दी मंजूरी देई दित्ती ऐ।
- मौसम सरबन्धी मैहकमे नै राश्ट्री राजधानी च अगले 3 दिनें च लू चलने दी येलो अलर्ट दी चेतावनी जारी कीती ऐ।
- ते आई.पी.एल क्रिकेट च अज्ज संझा जयपुर राजस्थान रायल्स दा मुकाबला लखनउ सुपर जायंट्स कन्नै होग।

<><><><><><>

India Nordic Summit

भारत नार्डिक शिखर सम्मेलन अज्ज नार्वे दी राजधानी ओस्लो च लग्गा। सम्मेलन च प्रधानमंत्री नरेंद्र ते नार्वे, स्वीडन, आइसलैंड, फिटलैंड ते डेमार्क दे प्रधानमंत्री शामिल होए। इस बैठक दा मकसद भारत ते नार्डिक देशें बश्कार इलाकाई सहयोग च बाढ़ा करना ऐ। इस सम्मेलन च उर्जा, तकनीक ते नमीं काडुं ते डिजिटलीकरण दे क्षेत्र पर ध्यान दित्ता गेआ। नार्डिक ब्लाक दे कन्नै भारत दा द्विपक्षीय बपार 19 अरब डालर पुज्जी गेआ ऐ।

<><><><><><>

India Sweden

भारत ते स्वीडन नै कुल संसारी यक्को-तक्की दे इस दौर च साथ-सहयोग, सांझी खुशहाली ते बेहतर भविष्य दा रस्ता तैय करने पर जोर पाया ऐ। प्रधानमंत्री नरेंद्र मोदी ते स्वीडन दे प्रधानमंत्री उल्फ क्रिस्टरसन हुंदे आसेआ लिखे गेदे इक लेख च इस गल्ला दा जिक्र कीता गेआ ऐ जे बदा करदी भू राजनीतिक यक्को-तक्की, उर्जा असुरक्षा ते आर्थिक बिखराव दे इस समें च दुनिया दे सामने इक्क फैसलाकुन विकल्प ऐ जां ते इक्कले कम्म करना जां अंतरराश्ट्री सांझ भ्याली गी निगार करना। अज्ज राश्ट्री अखबार च छपे दे लेख च दौनें प्रधानमंत्रियें इस गल्ला दा जिक्र कीता जे जियां-जियां संयुक्त राश्ट्र अपनी 80मीं बरेंगड मना करदा ऐ, अंतरराश्ट्री साथ-सहयोग ते बहुपक्षवाद दा महत्व होर बी मता साफ होई गेदा ऐ। उनें जोर दित्ता जे कुल संसारी शासन संस्थाएं च सुधार दी जरूरत गी हून

नजरंदाज करना नामुमकिन होई गोआ ऐ तां जे अज्जा दी असलियत गी सेही ढंगै कन्नै दर्शाई सकन।
दौनें लीडरें आखेआ जे अंतरराष्ट्री कनून ते सम्प्रभु बरोबरी पर आधारित नियमें कन्नै चलने आहली
इक अंतरराष्ट्री बवस्था नै कई दाहकें धोड़ी स्थिरता ते विकास गी यकीनी बनाने च महत्वै आहली
भूमिका निभाई ऐ।

<><><><><><>

PM -Norway

प्रधानमंत्री नरेन्द्र मोदी होरें नार्वे दे प्रधानमंत्री हुंदे कन्नै कल भारत- नार्वे बपार ते अनुसंधान शिखर
सम्मेलन गी सम्बोधित कीता- जेहदे च दौनें मुखे दिएं 50 कोला मतिएं कम्पनियें दे मुख कार्रकारी
अफसरें हिस्सा लैता। इस दौरान प्रधानमंत्री होरें भारत च मौजूद बपार कारोबार करने लेई साजगार
माहौल बारे गल्ल कीती ते आखेआ कि प्रतिभाशाली नौजवान- मजबूत व्यवसायिक परम्परा ते
रासपूंजी लाने लेई सुरक्षत ते बवस्थित ढांचा- नार्वे दिएं कम्पनियें गी भारत च रासपूंजी लाने लेई
बड़ा साजगार माहौल उपलब्ध करागन। नार्वे दी राजधानी ओस्लो च आयोजित भारत-नार्वे बपार ते
अनुसंधान शिखर सम्मेलन च प्रधानमंत्री होरें भारत च 100 अरब अमरीकी डॉलर दी रासपूंजी ते
10 लख नौकरियां पैदा करने दा लक्ष रखेया। एह लक्ष भारत- EFTA बपार ते आर्थिक सांझेदारी
समझौते तैहत तैय कीता गोआ ऐ। एह इक ऐतिहासिक समझौता ऐ जेहदे च नार्वे- स्विटजरलैंड-
आइसलैंड ते लिकटेस्टीन शामिल न। इस समझौते तैहत रासपूंजी ते नौकरियें दी संभावना हरित ऊर्जा-
स्वच्छ टैक्रॉलोजी- ग्रीन शिपिंग- आर्टिफीशल इंटेलीजेंस ते उन्नत विनिर्माण शामिल न।

<><><><><><>

SC-Stray Dogs

सुप्रीम कोर्ट नै सार्वजनिक थारें सवां फगड़े गेदे लावारिस कुत्तें गी टीकाकरण जां नसबंदी दे मगरा
बापस नेई छोड़ने दे अपने पैहले आले निर्देशें गी अज्ज वापस लैने सवां इंकार करी दित्ता ऐ। न्यामूर्ति
विक्रम नाथ हुंदी अध्यक्षता आहली बेंच नै नवंबर 2025 दे आदेश च संशोधन दी मंग आहली
याचिकाएं गी खारिज करी दित्ता ते अधिकारिएं गी नेहू कुत्तें गी आसरमें च रखने दा निर्देश दित्ता।
अदालत नै बच्चें, बुजुर्गें ते यात्रिएं पर कुत्तें दे हमले दी बड़ी चैंता आहली घटनाएं दा हवाला दिंदे होई
आखेआ ऐ जे एह समस्या ब्हाई अड्डें ते रिहायशी कालोनियें समेत संवेदनशील सार्वजनिक क्षेत्रें तोड़ी
पुज्जी गेई ऐ।

<><><><><><>

Delhi HC

दिल्ली हाई कोर्ट नै न्यामूर्ति स्वर्ण कांता शर्मा खिलाफ कथित सोशल मीडिया पोस्ट मामले च अरविंद
केजरीवाल, मनीष सिसोदिया, संज सिंह ते सौरभ भारद्वाज सने आम आदमी पार्टी दे नेताएं थमां
जवाब मंगेआ ऐ। न्यामूर्ति नवीन चावला ते रविंद्र दुदेजा हुंदी पीठ नै नोटिस जारी करियै जवाब
दाखल करने लेई 4 हफ्तें दा समां दित्ता ऐ। मामले दी सुनवाई 4 अगस्त गी होगी।

<><><><><><>

भारती रेलवे नै 54 किलोमीटर लम्में किऊल झाझा त्री लाइन प्रोजेक्ट गी 962 करोड़ रपे दी मंजूरी देई दित्ती ऐ। रेल मंत्रालय दा आखना ऐ जे एहू प्रोजेक्ट भाती रेलवे दे हाई ट्रैफिक डेंसिटी नेटवर्क दा इक्क महत्वै आह्ला हिस्सा ऐ ते एह्दे कन्नै पूर्वी ते उत्तरी भारत च यात्री ते माल दुलाई सरिस्ता मजबूत होग। केंद्री रेल मंत्री अश्विनी वैश्वणव होरें आखेआ जे एहू प्रोजेक्ट बड़ा मता इस्तेमाल होने आह्ले हावड़ा-दिल्ली कारिडोर पर समर्थ च बाद्दा करग ते रेल सेवाएं दी समें दी पाबंदी ते आपरेशनल लचीलेपन गी बेहतर बनाने च मदद करग।

भारती रेलवे नै जम्मू श्री माता वैश्णो देवी कटड़ा सैक्टर पर 238 करोड़ रुपे दी लागत आहले महत्वपूर्ण ढलान स्थिरीकरण, सुरंग पुनर्वास ते पुल दे सुरक्षा सरबन्धी कम्मं गी मंजूरी दिक्ती ऐ। रेल मंत्री अश्विनी वैष्णव होरें एहदी तस्दीक कीती ऐ। उनें आखेआ जे एहू गैंड चुनौतीपूर्ण इलाके च यात्री सुरक्षा ते बेहतर राबता यकीनी बनाना ऐ। उनें आखेआ जे एहदे कन्नै महत्वपूर्ण रेलवे सैक्शन गी बी मजबूती देग।

रक्षा मंत्री राजनाथ सिंह होरें वियतनाम दे राष्ट्रपति तो लाम हुंदे कन्नै मुलाकात कीती ऐ ते दौनें मुखें बश्कार रखा सहयोग गी मजबूत करने पर सहमति जताई ऐ। रक्षा मंत्री होरें आखेआ जे दौनें मुखें बश्कार उन्नत व्यापक रणनीतिक सांझ भ्याली महत्वै आहली ऐ। उनें आखेआ जे भारत ते वियतनाम सांझे मूल्लें, रक्षा-सुरक्षा ते इलाकाई स्थिरता च नेडमें सहयोगी ना।

उत्तराखंड दे साबका मुखमन्त्री ते भारती जनता पार्टी दे सीनियर लीडर भुवन चंद्र खंडूरी हुंदा लम्मी बमारी दे मगरा अज्ज देहरादून दे इक्क प्राइवेट अस्पताल च काल होई गेआ। ओहू 91 बरें दे हे। फौज दे साबका मेजर जनरल खंडूरी होर दो बारी उत्तराखंड दे मुखमन्त्री रेह। ओहू साबका प्रधानमन्त्री अटल बिहारी वाजपेयी हुं'दी सरकार च केंद्री शिड़क ट्रांसपोर्ट ते जरनैली शिड़कें सरबन्धी मन्त्री बी रेह। राज्य दे मुखमन्त्री पुष्कर सिंह धामी होरें खंडूरी हुंदी मौत पर सार्वजनिक जीवन च कदें बी भरेआ नेई भरेआ जाई सकने आह्ला नुकसान करार दित्ता। राष्ट्रपति द्रौपदी मुर्मू ते प्रधानमन्त्री नरेंद्र मोदी होरें उत्तराखंड दे साबका मुखमन्त्री हुंदा काल होई जाने पर बसोस प्रगट कीता ऐ।

केंद्री जांच ब्यूरो नै 2026 बरे आहले नीट पेपर कथित तौर पर लीक होने आहले मामले च जांच तेज करी दिती ऐ। एजेंसी नै महाराष्ट्र दे लातुर जिले च नेनुकाई कैमिस्ट्री क्लासेस कोचिंग सेंटर च तपाशियां लैतियां न।

Weather

भारत दे मौसम विभाग नै राश्ट्री राजधानी च अगले 3 दिनें धोडी लू चलने सरबन्धी यैलो अलर्ट आहली चेतावनी जारी कीती ऐ। आई.एम.डी दे मताबक शैहरा च टामी-टामी थाहरें दिनें बड़ी मती गर्मी पौने दी शेंका ऐ। अज्ज दिल्ली च बहोबद् तापमान तकरीबन 43 कोला लेइयै 45 डिग्री सेल्यिस रेआ, जिल्लै के घट्टोघट्ट तापमान 28 डिग्री दे कोल कच्छ रेई सकदा ऐ।

<><><><><>

UP-Orange Alert

उत्तर प्रदेश च औंदे हफ्ते च लू चलने मतल्लक ओरेंज अलर्ट आहली चेतावनी जारी कीती गई ऐ। बांदा मुल्खै च लगातार दुए ध्याड़े सब्भनें कोला गर्म रेआ, इत्थै तापमान 47 डिग्री कोला उप्पर जाई पुज्जा। मुख्मन्त्री योगी आदित्यनाथ होरें जिला मैजिस्ट्रेटें, सेहत मतल्लक मैहकमे, बिजली मैहकमे ते राहत एजेंसिएं गी चैकस रौहने लेई आखेआ ऐ।

<><><><><>

Fuel-Hike

पेट्रोल ते डीजल दिएं कीमतें च अज्ज करीब 90 पैसे फही लीटर स्हाबै बाद्दा कीता गेआ, जेड़ा इक हफ्ते थमां बी घट्ट समें च दुआ बाद्दा ऐ। एह बाद्दा 15 मई गी होए दे 3 रपे फही लीटर स्हाबै दे बाद्दे दे किश दिन मगरा होआ ऐ। चार बरें थमां मते चिरें च ईधन दी कीमतें च एह पैहला बदलाव हा। एह बाद्दा ईरान संघर्श ते होमुर्ज जलडमरूमध्य च रूकावटें दे चलदे वैश्विक कच्चे तेल दी कीमतें च होए दे बड़े मते बाद्दे मगरा होआ ऐ।

<><><><><>

Shah-Meeting

गृह मंत्री अमित शाह होरें छत्तीसगढ़ दे जगदालपुर च सेंट्रल जोनल काउंसल दी उच्च सतह दी बैठक दी अध्यक्षता कीती। उत्तर प्रदेश, मध्य प्रदेश, उत्तराखंड ते छत्तीसगढ़ दे मुख्मन्त्रिएं एहदे च हिस्सा लैता। गृह सचिव खुफिया ब्यूरो दे निदेशक 4 राज्यें दे पुलस महानिदेशक ते होर दुए सरबन्धी अधिकारिएं एहदे च हिस्सा लैता।

<><><><><>

Army Chief Op. Sindoor

सेना प्रमुख जनरल उपेंद्र द्विवेदी होरें आखेआ ऐ जे आपरेशन सिंदूर नै इकजुट राश्ट्री कार्रवाई दे तौर पर सैन्य सटीकता, सूचना, नियंत्रण, कूटनीतिक संकेत ते आर्थिक संकल्प गी किट्टे पेश कीता ऐ। सेना प्रमुख होरें एह गल्ल राश्ट्री राजधानी च सेंट फार लैंड वारफेस स्टडीज़ च सुरक्षा थमां समृद्धि आहली भेठा सतत राश्ट्री विकास आस्तै स्मार्ट पावर विशे पर आयोजित सेमीनार च एह गल्ल आक्खी।

<><><><><>

उपराज्यपाल मनोज सिन्हा होरें नशामुक्त जम्मू-कश्मीर अभियान तैहत पुलवामा च नशीले पदार्थें खलाफ पुलवामा च इक जन अभियान च हिस्सा लैता। इस मौके पर किट्ट गी संबोधित करदे होई उपराज्यपाल होरें लोकें गी नशीले पदार्थें खलाफ लड़ाई च निर्णायक गेंऽ पुट्टने लेई आखेआ। उनें जोर देइयै आखेआ जे नशीले पदार्थें खलाफ नेटवक्र गी खत्म करना लोडचदा तां जे युवा पीढ़ी गी नशे दी लत थमां बचाया जाई सकै। उपराज्यपाल होरें आखेआ जे पिछले इक म्हीने थमां जम्मू-कश्मीर च इस भेठा लोकें च खासी जागरूकता आई ऐ। बारामूला च ज्हारां बदे लोकें नशे खलाफ अपनी आवाज बुलंद कीती ऐ। इससै चाल्ली दे अभियान जम्मू, साम्बा, उधमपुर, कठुआ, श्रीनगर ते होर दुए जिलें च बी चलाए गए न जेदे च युवाएं ते आम लोकें हिस्सा लैता। उनें आखेआ

<><><><><><>

IPL

च अज्ज जयपुर च राजस्थान रायल्स दा मुकाबला लखनऊ सुपर जायंट कन्नै संझा साड्डे 7 बजे खेडेआ जाह्ग। जंदी रातीं एम.ए चिदंबरम स्टेडियम च खेड्डे गेदे मकाबले च सराईजर्स हैदराबाद नै चेन्नई सुपर किंग्स गी 5एं विकटें कन्नै हराइयै प्लेआफ च अपनी थाहर पक्की करी लैती।

<><><><><><>